



বাংলাদেশ নির্বাচন কমিশন  
নির্বাচন কমিশন সচিবালয়

১৭.০০.০০০০.০৭৯.৪১.০৩১.২১-৭৩৩

তারিখ: ০৭ পৌষ ১৪২৮  
২২ ডিসেম্বর ২০২১

**ইলেক্ট্রনিক ভোটিং মেশিনে ভোটগ্রহণ বিষয়ক বিশেষ পরিপত্র**

**বিষয়ঃ ৪র্থ ধাপে অনুষ্ঠিতব্য ২২টি জেলার ২৭টি উপজেলার ৩৮টি ইউনিয়ন পরিষদ সাধারণ নির্বাচন ইলেক্ট্রনিক ভোটিং মেশিন (ইভিএম) এর মাধ্যমে ভোটগ্রহণ।**

উপর্যুক্ত বিষয়ে আদিষ্ট হয়ে জানানো যাচ্ছে যে, আগামী ২৬ ডিসেম্বর, ২০২১ তারিখে **৪র্থ ধাপে অনুষ্ঠিতব্য ২২টি জেলার ২৭টি উপজেলার ৩৮টি** (দিনাজপুর জেলার কাহারোল উপজেলার মুকুন্দপুর, গাইবান্ধা জেলার গোবিন্দগঞ্জ উপজেলার কামদিয়া, পলাশবাড়ী উপজেলার কিশোরগাড়া ও বরিশাল, বগুড়া জেলার বগুড়া সদর উপজেলার এরুলিয়া, নওগাঁ জেলার আত্রাই উপজেলার পাঁচুপুর, মহাদেবপুর উপজেলার মহাদেবপুর, ধামইরহাট উপজেলার ধামইরহাট ও উমার, কুষ্টিয়া জেলার খোকসা উপজেলার শিমুলিয়া, চুয়াডাঙ্গা জেলার চুয়াডাঙ্গা সদর উপজেলার পদ্মবিলা, যশোর জেলার অভয়নগর উপজেলার শ্রেমবাগ, মাগুরা জেলার শ্রীপুর উপজেলার গয়েশপুর, সাতক্ষীরা জেলার শ্যামনগর উপজেলার রমজাননগর, পটুয়াখালী জেলার কলাপাড়া উপজেলার টিয়াখালী ও চাকামইয়া, বরিশাল জেলার বাবুগঞ্জ উপজেলার চাঁদপাশা, ময়মনসিংহ জেলার তারাকান্দা উপজেলার তারাকান্দা, কাকনী, গালাগাও ও ঢাকুয়া, নরসিংদী জেলার পলাশ উপজেলার চরসিন্দুর, নারায়ণগঞ্জ জেলার নারায়ণগঞ্জ সদর উপজেলার ফতুল্লা, হবিগঞ্জ জেলার লাখাই উপজেলার বুল্লা, কুমিল্লা জেলার ব্রাহ্মণপাড়া উপজেলার শশীদল, চৌদ্দগ্রাম উপজেলার কাশিনগর, চাঁদপুর জেলার হাজীগঞ্জ উপজেলার রাজারগাঁও, শাহরাস্তি উপজেলার রায়শ্রী (উত্তর) ও রায়শ্রী (দক্ষিণ), ফেনী জেলার দাগনভূঞা উপজেলার জায়লক্ষর, লক্ষ্মীপুর জেলার লক্ষ্মীপুর সদর উপজেলার উত্তর জয়পুর, হাজিরপাড়া ও ভবানীগঞ্জ, চট্টগ্রাম জেলার পটিয়া উপজেলার হাবিলাসদ্বীপ ও কুসুমপুরা, কক্সবাজার জেলার চকরিয়া উপজেলার ফাঁসিয়াখালী ও ডুলাহাজারা, খাগড়াছড়ি জেলার মানিকছড়ি উপজেলার মানিকছড়ি) ইউনিয়ন পরিষদ সাধারণ নির্বাচন ইলেক্ট্রনিক ভোটিং মেশিন (ইভিএম) এর মাধ্যমে ভোটগ্রহণের জন্য মাননীয় নির্বাচন কমিশন সিদ্ধান্ত গ্রহণ করেছেন। কেন্দ্রসমূহে ভোট গ্রহণ, প্রশিক্ষণ ও প্রদর্শন (ভোটিং এডুকেশন) এর জন্য প্রয়োজনীয় সংখ্যক ইলেক্ট্রনিক ভোটিং মেশিন (ইভিএম) কাস্টমাইজেশনসহ নির্বাচন উপযোগী করে নির্বাচন কমিশন হতে যথাসময়ে রিটার্নিং অফিসারের নিকট প্রেরণ করা হয়েছে।

০২। ইভিএম ব্যবহার পদ্ধতি সম্পর্কে প্রার্থী এবং ভোটারদের মধ্যে ব্যাপক প্রচারঃ ইভিএম ব্যবহার যেহেতু একটি কারিগরী বিষয় তাই এর ব্যবহার, কার্যকারিতা এবং সফলতা সম্পর্কে সকল প্রতিদ্বন্দ্বী প্রার্থী, তাদের নির্বাচনী এজেন্ট, পোলিং এজেন্ট এবং ভোটারদের মধ্যে প্রচারের ব্যবস্থা করতে হবে। ভোটগ্রহণ কর্মকর্তা অর্থাৎ প্রিজাইডিং অফিসার, সহকারী প্রিজাইডিং অফিসার ও পোলিং অফিসারদের সুবিধার্থে ইভিএম ব্যবহার পদ্ধতি বিষয়ক একটি নির্দেশিকার প্রয়োজনীয় সংখ্যক কপি প্রেরণেরও ব্যবস্থা করা হয়েছে।

০৩। নিরাপত্তা সহকারে ইভিএম এর পরিবহন, সংরক্ষণ ও কার্যকারিতা যাচাই করাঃ ইভিএমসমূহ ইলেক্ট্রনিক ডিভাইস বিধায় মেশিনসমূহ সারিবদ্ধভাবে রেখে যথাযথ নিরাপত্তার সাথে পরিবহন করতে হবে। ভোটগ্রহণের পূর্বের দিন অন্যান্য নির্বাচনী মালামাল সহকারে ইভিএমসমূহ প্রিজাইডিং অফিসারকে বুঝিয়ে দিতে হবে এবং প্রিজাইডিং অফিসারগণ ভোটকেন্দ্রে গিয়ে সহকারী প্রিজাইডিং অফিসারসহ অবশ্যই ইভিএমসমূহের কার্যকারিতা ও সঠিকতা যাচাই করবেন। কোনরূপ ত্রুটি-বিচ্যুতি পাওয়া গেলে তাৎক্ষণিকভাবে প্রিজাইডিং অফিসার রিটার্নিং অফিসারকে অবহিত করবেন। রিটার্নিং অফিসার আঞ্চলিক কেন্দ্রীয় রুমকে অবহিত করে ত্রুটি-বিচ্যুতি সংশোধন অথবা প্রতিস্থাপনের ব্যবস্থা গ্রহণ করবেন।

০৪। **ভোটগ্রহণ কর্মকর্তাদের প্রশিক্ষণঃ** নির্বাচনী প্রশিক্ষণ ইনস্টিটিউট কর্তৃক ইভিএম ব্যবহারের বিষয়ে ভোটগ্রহণ কর্মকর্তা অর্থাৎ প্রিজাইডিং অফিসার, সহকারী প্রিজাইডিং অফিসারদের জন্য ০২ দিন ব্যাপি এবং পোলিং অফিসারদের জন্য ইলেক্ট্রনিক ভোটিং মেশিন ব্যবহারের বিষয়ে ০১ দিনের নিবিড় প্রশিক্ষণ প্রদানের ব্যবস্থা করা হয়েছে।

০৫। **কারিগরী দলের গঠনঃ** প্রতিটি ভোটকেন্দ্রে নির্বাচন কমিশন সচিবালয়ের মাঠপর্যায়ের উপজেলা/থানা নির্বাচন অফিসে কর্মরত ডাটা এন্ট্রি অপারেটরদের মধ্য হতে কেন্দ্রপ্রতি ১ জন করে ও জেলা/উপজেলা পর্যায়ের অন্যান্য দপ্তরের কারিগরী জ্ঞান সম্পন্ন প্রশিক্ষিত কর্মচারী ১/২ জন করে মোট ২/৩ জন করে কারিগরী সহযোগিতা প্রদানের পাশাপাশি ভোটগ্রহণ কর্মকর্তা হিসেবে দায়িত্ব

অফিসের ঠিকানাঃ

C:\Users\sas\_omc2\Desktop\UP-General Elections-2021\4th Phase Election\EVM Circular\_4th Face.doc

নির্বাচন ভবন, প্লট নং-ই-১৪/জেড, আগারগাঁও, ঢাকা-১২০৭

যোগাযোগঃ

ফোন : +৮৮০-০২-৫৫০০৭৬০০ ফ্যাক্স : +৮৮০-০২-৫৫০০৭৫১৫

ই-মেইলঃ secretary@ecs.gov.bd ওয়েব এড্রেসঃ www.ecs.gov.bd

পালন করবেন। প্রিজাইডিং অফিসার ভোটগ্রহণের জন্য ভোটকেন্দ্র ও ভোটকক্ষ প্রস্তুত করবেন। ভোটগ্রহণ চলাকালে ইভিএম মেশিনের কোন সমস্যা দেখা দিলে বা মেশিন প্রতিস্থাপনের প্রয়োজন হলে ভোটগ্রহণকারী কারিগরী সদস্যগণ তা সচল করা বা প্রতিস্থাপনের ব্যবস্থা করবেন। ভোটকেন্দ্রের অভ্যন্তরে নিয়োজিত কারিগরী সদস্যগণ মোবাইল টিম/কন্ট্রোল রুমের সাথে সার্বক্ষণিক যোগাযোগ রাখার নিমিত্ত মোবাইল ফোন বহন ও ব্যবহার করতে পারবেন। ভোটগ্রহণকারী কারিগরি দলের সদস্যগণ দায়িত্বপ্রাপ্ত ভোটকেন্দ্রে ভোটগ্রহণের আগের দিন কেন্দ্রে গমন করবেন, ইভিএম এর কার্যকারিতা পরীক্ষা করতে সহায়তা প্রদান করবেন এবং ভোটকেন্দ্রে রাত্রিযাপন করবেন।

০৬। **মোবাইল কারিগরি টিমঃ** নির্বাচন কমিশন হতে প্রেরিত সদস্যগণের সমন্বয়ে গঠিত মোবাইল কারিগরি টিম সংশ্লিষ্ট রিটার্নিং অফিসারের কার্যালয়ে অবস্থান করবেন। ভোট গ্রহণের দিন বিভিন্ন ভোট কেন্দ্রে ইভিএম এর কারিগরী সমস্যা পূর্বোক্ত কারিগরী সদস্যগণ কর্তৃক সমাধানে অসমর্থ হলে তা নিরসনে মোবাইল কারিগরি টিম প্রয়োজনীয় পদক্ষেপ গ্রহণ করবেন। সংশ্লিষ্ট রিটার্নিং অফিসার, মোবাইল টেকনিক্যাল টিমের যানবাহন ও আনুসঙ্গিক লজিস্টিকস সহায়তা প্রদান নিশ্চিত করবেন।

০৭। **অতিরিক্ত অডিট ও পোলিং কার্ডের ব্যবহারঃ** ৪র্থ ধাপে ইউনিয়ন পরিষদ সাধারণ নির্বাচন সম্পন্ন করার উদ্দেশ্যে কেন্দ্রে ব্যবহৃত অডিট কার্ড ও পোলিং কার্ডের একটি সামগ্রিক ব্যাকআপ রিটার্নিং অফিসারের অফিস ও উপজেলা নির্বাচন অফিসে সংরক্ষিত থাকবে। জরুরী প্রয়োজনে উপজেলা নির্বাচন অফিসার ও রিটার্নিং অফিসার উক্ত ব্যাকআপ কার্ডসমূহ প্রিজাইডিং অফিসার/সহকারী প্রিজাইডিং অফিসারকে সরবরাহ করবেন। রিটার্নিং অফিসার উক্ত ব্যাকআপ কার্ডসমূহ সংশ্লিষ্ট ভোট কক্ষের ইভিএমসমূহ সচল করার নিমিত্তে অথবা নতুন ইভিএম ব্যবহার উপযোগী করতে ব্যবহার করবেন এবং উক্ত কার্ডসমূহের সার্বিক নিরাপত্তা নিশ্চিত করবেন।

০৮। **ইভিএম যাচাইকরণঃ** ভোটগ্রহণের আগের দিন অর্থাৎ ২৫ ডিসেম্বর, ২০২১ তারিখ প্রতিদ্বন্দ্বী প্রার্থীদের নামের বিপরীতে ব্যালট ইউনিটে সঠিকভাবে প্রতীক সন্নিবেশিত আছে কিনা তা ভোটকেন্দ্রে পৌছে প্রিজাইডিং অফিসার যাচাই করবেন। যাচাই করে কোন ত্রুটি পরিলক্ষিত হলে তা তাৎক্ষণিকভাবে রিটার্নিং অফিসারকে অবহিত করে সঠিক ব্যালট ইউনিট বুঝে নিতে হবে। এ বিষয়ে প্রিজাইডিং অফিসারকে ইভিএম ও অন্যান্য ফরম, প্যাকেট এবং নির্বাচনি সামগ্রী সংগ্রহের সময় ভোটকেন্দ্রের চাহিদা অনুসারে যাচাই করে তা বুঝে নিতে হবে। এছাড়াও ইভিএম মেশিনসমূহ ও অন্যান্য নির্বাচনী সামগ্রী সঠিক আছে মর্মে প্রিজাইডিং অফিসার রিটার্নিং অফিসারের নিকট বিকাল ০৫:০০ ঘটিকার মধ্যে সঠিকতা প্রতিবেদন প্রদান করবেন।

০৯। **ডেমো ভোট গ্রহণ সংক্রান্তঃ** ভোটকেন্দ্রে ব্যবহারের জন্য সরবরাহকৃত ইভিএমসমূহ ভোটগ্রহণ শুরু হওয়ার পূর্বে ভোটকেন্দ্রে উপস্থিত প্রতিদ্বন্দ্বী প্রার্থী অথবা নির্বাচনী এজেন্ট অথবা পোলিং এজেন্টগণকে ডেমো ভোট গ্রহণ প্রদর্শন করতে হবে। ডেমো ভোট গ্রহণের প্রাক্কালে ইভিএমসমূহে প্রতিদ্বন্দ্বী প্রার্থীদের নাম (বর্ণানুক্রমিক) ও প্রতীক সঠিক আছে কিনা তাও দেখাতে হবে। এছাড়াও নিম্নলিখিত বিষয়াদি অনুসরণ করতে হবে:

- ক) সহকারী প্রিজাইডিং অফিসার সকাল ০৭:৩০ ঘটিকার পূর্বে ডেমো ভোট গ্রহণ শুরু করবেন। কন্ট্রোল ইউনিটের স্ক্রীনে **“ভোট ১৫ মিনিটের মধ্যে শুরু হতে যাচ্ছে, ডেমো ভোট শেষ করে ফলাফল দেখুন এবং ভোটগ্রহণ সঠিক সময়ে শুরু করুন”** এই ম্যাসেজটি (সকাল ০৭:৪৫ মিনিটে ম্যাসেজটি প্রদর্শিত হবে) স্ক্রীনে প্রদর্শিত না হওয়া পর্যন্ত ডেমো ভোটের প্রিন্ট নেয়া যাবে না। ডেমো ভোটগ্রহণ শেষ করার ম্যাসেজ স্ক্রীনে প্রদর্শিত হলে সাথে সাথে সহকারী প্রিজাইডিং অফিসার ম্যাসেজটি বন্ধ করে **“ভোট শেষ”** বাটনে চাপ দিয়ে ডেমো ভোটগ্রহণ বন্ধ করবেন। অতঃপর সহকারী প্রিজাইডিং অফিসার, প্রিজাইডিং অফিসারের কাছে রক্ষিত অডিট কার্ড প্রবেশ করিয়ে তার আঙ্গুলের ছাপ দেয়ার পর ডেমো ভোটের ফলাফল দেখে প্রিন্ট নিবেন এবং উপস্থিত সকল পোলিং এজেন্টের স্বাক্ষর নিয়ে নিজের কাছে সংরক্ষণ করবেন।
- খ) সকাল ০৭:৪৫ হতে ০৮:০০ টা পর্যন্ত সহকারী প্রিজাইডিং অফিসার তার কক্ষে মূল ভোট গ্রহণের প্রস্তুতি নিবেন। ডেমো ভোটের ফলাফল প্রিন্ট করার পর **“পুনরায় ভোট শুরু করুন”** বোতামে চাপ দিতে হবে। সকাল ০৮:০০ টার পূর্ব পর্যন্ত **“ডেমো ভোট”** ও **“ভোট শুরু”** দুটি বোতামই নিষ্ক্রিয় থাকবে। সকাল ০৮:০০ ঘটিকায় **“ভোট শুরু”** বোতামটি সক্রিয় হবে।

১০। **ইভিএম এর মাধ্যমে ভোটগ্রহণসহ অন্যান্য কার্যাদি সম্পাদন (ভোটগ্রহণ কর্মকর্তা কর্তৃক ইভিএম ব্যবহার):** ২৬ ডিসেম্বর, ২০২১ তারিখ ভোটকক্ষে নিয়োজিত সহকারী প্রিজাইডিং অফিসার সকাল ৮.০০ টায় ভোটগ্রহণ শুরুর পূর্বেই ইভিএম মেশিন

সেটআপ করবেন। প্রিজাইডিং অফিসার কেন্দ্রের সকল ভোটকক্ষে ব্যবহৃতব্য ভোটিং মেশিন চালু করার নিরাপত্তা PIN Code এবং Password গোপনীয় ভাবে রিটার্নিং অফিসারের দপ্তর হতে গ্রহণ, সংরক্ষণ ও সংশ্লিষ্ট সহকারী প্রিজাইডিং অফিসারকে সরবরাহ করবেন। এক্ষেত্রে Audit কার্ড প্রবেশ করিয়ে প্রিজাইডিং অফিসার/সহকারী প্রিজাইডিং অফিসার পাসওয়ার্ড/পিন প্রদান করে মেশিনের জিজ্ঞাসা অনুযায়ী আঞ্জুলের ছাপ প্রদান করে ভোটগ্রহণের জন্য মেশিন প্রস্তুত করবেন। ভোট গ্রহণ শুরুর পূর্বে মেশিনের অপর কার্ড স্লটে Polling Card প্রবেশ করাবেন। ভোটগ্রহণের জন্য মেশিন সম্পূর্ণরূপে প্রস্তুত হলে Audit কার্ডটি বের করে নিবেন। সহকারী প্রিজাইডিং অফিসার Audit কার্ড স্লটে প্রয়োজনে স্মার্ট কার্ড প্রবেশ করিয়ে ভোটার সনাক্তকরণ করবেন। একজন পোলিং অফিসার ভোটার তালিকার হার্ডকপি সাথে মিলিয়ে সনাক্তকৃত ভোটার নম্বর চিহ্নিত করবেন এবং অপর পোলিং অফিসার বৈধ ভোটারের আঞ্জুলে অমোচনীয় কালির দাগ দিয়ে দিবেন এবং সহকারী প্রিজাইডিং অফিসার ভোটারকে ইলেকট্রনিক ব্যালট ইস্যু করবেন। ভোট গ্রহণের দিন বেলা ৪.০০ টার পর ভোটগ্রহণ শেষে সংশ্লিষ্ট সহকারী প্রিজাইডিং অফিসারগণ মেশিনে পুনরায় Audit কার্ড প্রবেশ করিয়ে End Poll করে ভোট গ্রহণ কার্যক্রম শেষ করবেন। ভোটগ্রহণ শেষ করে ভোটিং মেশিনসমূহ এবং ব্যবহৃত কার্ডসমূহ ফলাফল গণনার নির্ধারিত কক্ষে নিয়ে যাবেন এবং ভোটকেন্দ্রের সামগ্রিক ফলাফল প্রকাশ করবেন।

১১। **মক ভোটিংঃ** ৪র্থ ধাপে ইউনিয়ন পরিষদ সাধারণ নির্বাচনে ভোটগ্রহণের পূর্বে মক ভোটিং সম্পন্ন করতে হবে। প্রতিটি ভোট কেন্দ্রে ২৪ ডিসেম্বর, ২০২১ সকাল ১০:০০টা হতে বিকাল ০৪:০০টা পর্যন্ত মক ভোটিং অনুষ্ঠিত হবে। উক্ত মক ভোটিং অনুষ্ঠানে সকল প্রিজাইডিং অফিসার, সহকারী প্রিজাইডিং অফিসার ও পোলিং অফিসার উপস্থিত থেকে মক ভোটিং সম্পন্ন করবেন। মক ভোটিং শেষে সংশ্লিষ্ট প্রিজাইডিং অফিসার ইভিএমসমূহ উপজেলা নির্বাচন অফিসারকে বুঝিয়ে দিবেন। প্রিজাইডিং অফিসারগণ ভোট গ্রহণের পূর্বের দিন ভোট গ্রহণের জন্য ব্যবহৃতব্য ইভিএমসমূহ, বিভিন্ন কার্ড এবং অন্যান্য আনুষঙ্গিক দ্রব্যাদি রিটার্নিং অফিসারের নিকট হতে বুঝে নিয়ে ম্যানুয়ালের নির্দেশনা অনুসারে প্রতিটি ভোট কক্ষে স্থাপন করতঃ নির্বাচন উপযোগী করে বিকাল ০৪:০০ টার মধ্যে কন্ট্রোল রুমকে অবহিত করবেন।

## ১২। ভোটারের পরিচয় নিশ্চিতকরণঃ

(১) নির্বাচন কমিশন কর্তৃক সর্বশেষ প্রকাশিত ভোটার তালিকা অনুসারে নির্দিষ্ট কেন্দ্রে বৈধ ভোটার ভোট কক্ষে উপস্থিত হবার পর ভোট প্রদানের পূর্বে সহকারী প্রিজাইডিং অফিসার নিম্নোক্ত উপায়ে ভোটার সনাক্ত করবেনঃ

- (ক) স্মার্ট কার্ড ব্যবহার করে
- (খ) স্মার্ট কার্ড এর নম্বর ব্যবহার করে
- (গ) ১৭ ডিজিটের জাতীয় পরিচয় পত্র নম্বর ব্যবহার করে
- (ঘ) ভোটার নম্বর ব্যবহার করে
- (ঙ) আঞ্জুলের ছাপ ব্যবহার করে

(২) উপরোক্ত ১২ (১) এর যে কোন উপায়ে ভোটারকে সনাক্ত করতে গিয়ে ভোটারের পরিচয় নিশ্চিত হওয়ার পর ভোটারের আঞ্জুলের ছাপ ম্যাচিং না হলে সহকারী প্রিজাইডিং অফিসার নিম্নরূপ ব্যবস্থা গ্রহণ করবেনঃ

(ক) ১২(১)(ক) হতে ১২(১)(ঘ) পর্যন্ত যে কোন উপায়ে ভোটারের পরিচয় নিশ্চিত হওয়ার পর আঞ্জুলের ছাপ ম্যাচিং না হলে সহকারী প্রিজাইডিং অফিসার প্রথমে ভোটারের আঞ্জুলের ছাপ গ্রহণ করে পরবর্তীতে নিজের আঞ্জুলের ছাপ ব্যবহার করে উক্ত ভোটারকে সনাক্ত করবেন। এক্ষেত্রে সহকারী প্রিজাইডিং অফিসার উক্ত ভোটারকে সনাক্তকরণের সম্পূর্ণ দায় ভার বহন করবেন।

(খ) ১২ (২)(ক) উপায়ে সহকারী প্রিজাইডিং অফিসার মোট ভোটারের সর্বোচ্চ ১% ভোটারকে সনাক্ত করে ইলেকট্রনিক ব্যালট ইস্যু করতে পারবেন।

১৩। **ভোটার ফলাফল দ্রুত প্রেরণ নিশ্চিতকরণঃ** ইভিএম ব্যবহারের ক্ষেত্রে প্রত্যেক সহকারী প্রিজাইডিং অফিসার ভোটগ্রহণ শেষে প্রশিক্ষণের সময় প্রদর্শিত ও বিধিতে নির্ধারিত পদ্ধতি অনুসারে ইভিএমসমূহ প্রিজাইডিং অফিসারের নিকট জমা দিবেন।

(১) ইভিএম কর্তৃক প্রাপ্ত ফলাফল হতে প্রিজাইডিং অফিসার তা সংশ্লিষ্ট পদের ভোট গণনার বিবরণীতে (ফরম-এ) লিপিবদ্ধ করার পর, সেটি ন্যূনতম ০৫ কপি প্রিন্ট করে প্রিজাইডিং অফিসার নিম্নলিখিত কার্যাদি সম্পাদন করবেন;

- ক) একজন সহকারী প্রিজাইডিং অফিসারকে মালামালসমূহ সংগ্রহপূর্বক বিধি মোতাবেক ফলাফল প্রকাশের নিমিত্তে দায়িত্ব প্রদান করবেন;
- খ) প্রিজাইডিং অফিসার উপস্থিত প্রার্থী, প্রার্থীর নির্বাচনী এজেন্ট এবং পোলিং এজেন্টদের সামনে বিধি মোতাবেক ফলাফল প্রকাশ করার পর নির্ধারিত ফর্ম রিটার্নিং /সহকারী রিটার্নিং অফিসারের নিকট প্রেরণ করবেন;
- গ) দ্রুত ফলাফল প্রেরণের জন্য ক্ষেত্র বিশেষে (নেটওয়ার্কের কারিগরী সমস্যা থাকলে) ০১ জন সহকারী প্রিজাইডিং অফিসার/পোলিং অফিসার ভোট কেন্দ্রে বিধি মোতাবেক ফলাফল প্রকাশের সাথে সাথে প্রয়োজনীয় নিরাপত্তার সহিত যানবাহন যোগে সহকারী রিটার্নিং অফিসারের কার্যালয়ে ফলাফল প্রেরণ নিশ্চিত করবেন;

(২) প্রিজাইডিং অফিসার/সহকারী প্রিজাইডিং অফিসারের নিকট হতে রিটার্নিং অফিসার/সহকারী রিটার্নিং অফিসার ফলাফল গ্রহণের সাথে সাথে তা দ্রুত প্রকাশ করবেন। ইভিএম সংশ্লিষ্ট সকল ভোট কেন্দ্রের সার্বিক ফলাফল সন্ধ্যা ০৬:০০ ঘটিকার মধ্যে অবশ্যই প্রকাশ করবেন।

১৪। **ইভিএম ব্যবহারকারী দায়িত্বপ্রাপ্ত কর্মকর্তাদের দায়িত্ব সংক্রান্তঃ** জনস্বার্থে ইভিএম বাস্তবায়ন এবং রাষ্ট্রীয় গুরুত্বপূর্ণ কার্য সুনিশ্চিত করার উদ্দেশ্যে নিয়োজিত নিম্নলিখিত ব্যক্তিবর্গের দায়িত্ব উল্লেখ করা হল।

ক) রিটার্নিং অফিসার কর্তৃক গৃহীত পদক্ষেপঃ

- (১) সহকারী রিটার্নিং অফিসারকে যানবাহনসহ যাবতীয় লজিস্টিকস সাপোর্ট প্রদান করবেন;
- (২) সহকারী প্রিজাইডিং অফিসারের নিকট থেকে RMSএর মাধ্যমে ফলাফল পাওয়া মাত্র তা বার্তাশীট প্রস্তুত করে RMSএ প্রেরণ করবেন;
- (৩) কমিশন হতে প্রেরিত কর্মকর্তা/ডাটা এন্ট্রি অপারেটর/টেকনিক্যাল এক্সপার্ট/টেকনিক্যাল সাপোর্ট সদস্যগণের যানবাহনসহ যাবতীয় লজিস্টিকস সহায়তা প্রদান করবেন;
- (৪) তাঁর অধীনস্থ সকল কেন্দ্রসমূহের উপর নজরদারী করবেন;

খ) সহকারী রিটার্নিং অফিসার কর্তৃক গৃহীত পদক্ষেপঃ

- (১) রিটার্নিং অফিসারকে প্রয়োজনীয় সহযোগীতা প্রদান করবেন;
- (২) প্রিজাইডিং অফিসারের নিকট হতে ফলাফল পাওয়া মাত্র তা RMS যাচাই করে বার্তাশীট প্রস্তুত করবেন এবং রিটার্নিং অফিসারের নিকট RMS এর মাধ্যমে প্রেরণ নিশ্চিত করবেন;

গ) প্রিজাইডিং অফিসার কর্তৃক গৃহীত পদক্ষেপঃ

- (১) প্রিজাইডিং অফিসার প্রদত্ত ইভিএম সমূহের কার্যকারিতা পরীক্ষা করে দেখবেন;
- (২) ভোট গ্রহণ শেষে সকল কক্ষের কার্ডসহ কন্ট্রোল ইউনিটসমূহ সহকারী প্রিজাইডিং অফিসারদের সহযোগিতায় ভোট গণনার জন্য নির্ধারিত একটি কক্ষে নিয়ে আসবেন এবং একটি মেশিন হইতে কেন্দ্র ভিত্তিক ফলাফল মুদ্রণ করবেন;
- (৩) সহকারী রিটার্নিং অফিসারকে প্রয়োজনীয় সহযোগীতা প্রদান করবেন;

ঘ) সহকারী প্রিজাইডিং অফিসার কর্তৃক গৃহীত পদক্ষেপঃ


- (১) প্রতি কক্ষ সমূহে ম্যানুয়েল অনুযায়ী ইভিএম এর মাধ্যমে ভোটগ্রহণ সম্পন্ন করবেন;
- (২) ভোট কেন্দ্রের ইভিএম ও সংশ্লিষ্ট মালামাল সমূহ বুঝে নিবেন;
- (৩) ভোটগ্রহণ শেষে দায়িত্বশীলতার সাথে সঠিকভাবে ইভিএম ও সংশ্লিষ্ট মালামাল সমূহ বুঝিয়ে দিবেন যেন কোনভাবেই মেশিন ক্ষতিগ্রস্ত না হয়;

১৫। **ব্যবহৃত বিভিন্ন ধরনের কার্ডের এবং প্রদত্ত পিন/পাসওয়ার্ডের গোপনীয়তা রক্ষাঃ** প্রতিটি ইভিএম এর জন্য ব্যবহৃত বিভিন্ন ধরনের কার্ড এবং মেশিন চালু করার পিন/পাসওয়ার্ড প্রিজাইডিং অফিসারকে সরবরাহ করা হবে। সরবরাহকৃত কার্ডসমূহ যথাযথ নিরাপত্তার সাথে ব্যবহার করতে হবে। এ সকল কার্ড এবং পিন/পাসওয়ার্ডের যথাযথ গোপনীয়তা রক্ষা করতে হবে।

১৬। **ইভিএম ও নির্বাচনি মালামাল সংরক্ষণঃ** ভোট গণনা শেষে ইভিএম সমূহ সংশ্লিষ্ট প্যাকেটে প্রবেশ করিয়ে নির্দেশিকা অনুযায়ী দায়িত্বশীলতার সহিত রিটার্নিং অফিসারকে বুঝিয়ে দিবেন। ব্যবহৃত কার্ডসমূহ সরবরাহকৃত খামে ভরে সিলগালা পূর্বক গানি ব্যাগে প্রবেশ করিয়ে রিটার্নিং অফিসারের নিকট প্রেরণ করতে হবে। এছাড়া ও ব্যবহৃত ভোটার তালিকা প্যাকেট ৭-এ, ভোট গণনার বিবরণী ফর্ম-এ, এ-১, এ-২ সম্বলিত সকল প্যাকেট এবং অন্যান্য নির্বাচনি সামগ্রী গানি ব্যাগে প্রবেশ করিয়ে সিলগালা পূর্বক রিটার্নিং অফিসারের নিকট জমা দিতে হবে।

১৭। এ পরিপত্রের প্রাপ্তি স্বীকারের জন্য অনুরোধ করা হলো।

সংযুক্ত : বর্ণনা মোতাবেক



(মোঃ আতিয়ার রহমান)

উপসচিব

নির্বাচন পরিচালনা-২

ফোন: ০২-৫৫০০৭৫২৫

E-mail: ecsemc2@gmail.com

প্রাপক :

উপজেলা/থানা নির্বাচন অফিসার

ও

রিটার্নিং অফিসার.....(সংশ্লিষ্ট সকল) ৪র্থ ধাপে অনুষ্ঠিতব্য ইউনিয়ন পরিষদ সাধারণ নির্বাচন

নং-১৭.০০.০০০০.০৭৯.৪১.০৩১.২১-৭৩৩

তারিখ: ০৭ পৌষ ১৪২৮  
২২ ডিসেম্বর ২০২১

**অনুলিপি সদয় অবগতি ও প্রয়োজনীয় ব্যবস্থা গ্রহণের জন্য প্রেরণ করা হলো (জ্যেষ্ঠতার ভিত্তিতে নয়):**

১. মন্ত্রিপরিষদ সচিব, মন্ত্রিপরিষদ বিভাগ, বাংলাদেশ সচিবালয়, ঢাকা
২. প্রধানমন্ত্রীর মুখ্য সচিব, প্রধানমন্ত্রীর কার্যালয়, তেজগাঁও, ঢাকা
৩. গভর্নর, বাংলাদেশ ব্যাংক, ঢাকা
৪. সিনিয়র সচিব,.....(সংশ্লিষ্ট) মন্ত্রণালয়/বিভাগ বাংলাদেশ সচিবালয়, ঢাকা
৫. মহাপুলিশ পরিদর্শক, বাংলাদেশ পুলিশ হেডকোয়ার্টার্স, ঢাকা
৬. সচিব, জনপ্রশাসন মন্ত্রণালয়, বাংলাদেশ সচিবালয়, ঢাকা
৭. সচিব, .....(সংশ্লিষ্ট) মন্ত্রণালয়/বিভাগ, বাংলাদেশ সচিবালয়, ঢাকা
৮. মহাপরিচালক, বিজিবি/আনসার ও ভিডিপি/র্যাপিড এ্যাকশন ব্যাটালিয়ন (র্যাব)/কোস্টগার্ড, ঢাকা
৯. অতিরিক্ত সচিব, নির্বাচন কমিশন সচিবালয়, ঢাকা
১০. মহাপরিচালক, জাতীয় পরিচয় নিবন্ধন অনুবিভাগ, নির্বাচন কমিশন সচিবালয়, ঢাকা
১১. বিভাগীয় কমিশনার, .....(সংশ্লিষ্ট) বিভাগ
১২. পুলিশ কমিশনার, .....(সংশ্লিষ্ট)
১৩. যুগ্মসচিব (সকল), নির্বাচন কমিশন সচিবালয়, ঢাকা
১৪. মহাপরিচালক, নির্বাচনি প্রশিক্ষণ ইনস্টিটিউট, ঢাকা
১৫. সিস্টেম ম্যানেজার, নির্বাচন কমিশন সচিবালয়, ঢাকা [ওয়েব সাইটে প্রকাশ ও আনুষঙ্গিক অন্যান্য ব্যবস্থা গ্রহণের অনুরোধসহ]
১৬. পরিচালক (জনসংযোগ), নির্বাচন কমিশন সচিবালয়, ঢাকা [উক্ত বিষয়ে সংবাদ মাধ্যমকে অবহিতকরণ ও আনুষঙ্গিক অন্যান্য ব্যবস্থা গ্রহণের অনুরোধসহ]
১৭. জেলা প্রশাসক,.....(সংশ্লিষ্ট)
১৮. প্রকল্প পরিচালক (ইভিএম প্রকল্প), নির্বাচন কমিশন সচিবালয়, ঢাকা
১৯. আঞ্চলিক নির্বাচন কর্মকর্তা, .....(সংশ্লিষ্ট)
২০. পুলিশ সুপার, .....(সংশ্লিষ্ট)
২১. উপসচিব (সংশ্লিষ্ট), নির্বাচন কমিশন সচিবালয়, ঢাকা
২২. সিনিয়র/জেলা নির্বাচন অফিসার,.....(সংশ্লিষ্ট)
২৩. জেলা কমান্ডেন্ট, আনসার ও ভিডিপি, .....(সংশ্লিষ্ট)
২৪. মাননীয় প্রধান নির্বাচন কমিশনারের একান্ত সচিব, নির্বাচন কমিশন সচিবালয়, ঢাকা (মাননীয় প্রধান নির্বাচন কমিশনার এর সদয় অবগতির জন্য)
২৫. মাননীয় নির্বাচন কমিশনার জনাব ..... এর একান্ত সচিব, নির্বাচন কমিশন সচিবালয়, ঢাকা (মাননীয় নির্বাচন কমিশনার এর সদয় অবগতির জন্য)
২৬. সচিব মহোদয়ের একান্ত সচিব, নির্বাচন কমিশন সচিবালয়, ঢাকা (সচিব মহোদয় এর সদয় অবগতির জন্য)
২৭. ....(সংশ্লিষ্ট) রিটার্নিং অফিসার.....(সংশ্লিষ্ট)
২৮. অফিসার-ইন-চার্জ, .....(সংশ্লিষ্ট) থানা।



(মোহাম্মদ আশফাকুর রহমান)

সহকারী সচিব

নির্বাচন ব্যবস্থাপনা ও সমন্বয়-২ শাখা

ফরম-২

প্রিজাইডিং অফিসার কর্তৃক সহকারী প্রিজাইডিং অফিসারকে ইভিএম বুঝাইয়া দেওয়ার রেকর্ড

ইউনিয়নের নাম.....
--------------------

এই মর্মে প্রত্যয়ন করা যাইতেছে যে,	(ভোটকেন্দ্রের নম্বর ও নাম)
------------------------------------	----------------------------

ভোটকেন্দ্রে ব্যবহারের নিমিত্তে নিম্নরূপে ইভিএমসমূহ বুঝাইয়া দেওয়া হইলঃ

ক্রমিক নম্বর	ইভিএম নম্বর		ভোটকক্ষের নম্বর	গ্রহণকারী সহকারী প্রিজাইডিং/পোলিং অফিসারের নাম ও স্বাক্ষর
	কন্টোল ইউনিট	ব্যালট ইউনিট		

স্থান.			
--------	--	--	--

প্রিজাইডিং অফিসারের নাম, স্বাক্ষর ও সীল (যদি থাকে)

তারিখ 

--	--

 দিন 

--	--

 মাস 

--	--	--	--	--

 বৎসর

ফরম-৩

ইভিএম এর কার্যকারিতা সম্পর্কিত সহকারী প্রিজাইডিং অফিসারের প্রত্যয়নপত্র

ইউনিয়নের নাম.....

এই মর্মে প্রত্যয়ন করা যাইতেছে যে, (ভোট কেন্দ্রের নম্বর ও নাম)

ভোটকেন্দ্রের ..... নম্বর ভোটকক্ষে সরবরাহকৃত ইভিএমটির কার্যকারিতা পরীক্ষা করিয়া সঠিক পাওয়া গিয়াছে।

ক্রমিক নম্বর ১	পোলিং এজেন্টের নাম ২	পোলিং এজেন্টের স্বাক্ষর ৩

স্থান

সহকারী প্রিজাইডিং অফিসারের নাম,  
স্বাক্ষর ও সীল (যদি থাকে)

তারিখ   দিন   মাস    বৎসর